



Br. 354/26

Datum: 26.08.2026.

Br: I -176/26

Datum: 26.08.2026

BOSNA I HERCEGOVINA
MINISTARSTVO VANJSKIH POSLOVA
N/P Gosp. Elmedin Konaković, ministar

Predmet: Urgencija za održavanje hitnog sastanka na temu neefikasnosti u procedurama zapošljavanja stranih radnika u BiH

Poštovani gospodine ministre,

Vezano za zajedničke aktivnosti na unapređenju procedura za zapošljavanje stranih radnika, obraćamo Vam se ponovo s ciljem organiziranja hitnog sastanka.

Našim aktom od 21.07.2026. godine, broj 151/26, kao i aktom od 04.08.2026. godine, koji je potpisan od strane dva reprezentativna entitetska Udruženja poslodavaca, zatražili smo održavanje hitnog sastanka na temu rješavanja problema i zastoja u procedurama zapošljavanja stranih radnika u Bosni i Hercegovini.

Prema informacijama koje dobijamo od naših članica, trenutna procedura angažiranja stranih radnika ponovno je usporena, u odnosu na period kada smo kroz zajedničke napore unaprijedili rješavanje ovih pitanja. Naime, u odnosu na nadležnosti Ministarstva vanjskih poslova BiH procedura i dinamika rješavanja vize D i dozvola za boravak usporena je ponovno zbog smanjenja kapaciteta u Ambasadi Bosne i Hercegovine u New Delhiju.

Trenutno se u sistemu Ministarstva vanjskih poslova BiH za prijavljivanje i zakazivanje termina **kao prvi raspoloživi datumi za pokretanje procedure nude termini u aprilu 2027. godine.** To praktično znači da se, i u najboljem slučaju, zapošljavanje stranog radnika čija se procedura pokreće putem Ambasade BiH u New Delhiju može očekivati tek u drugoj polovini naredne godine, što je sa aspekta potreba za radnom snagom potpuno neprihvatljivo.

Dodatni veliki problem predstavlja izdavanje radnih dozvola, što nije u nadležnosti Vašeg ministarstva, ali Vam može poslužiti kao pokazatelj koliko je ukupna procedura i angažiranje stranaca ugrožena. Naime, u pojedinim nadležnim službama za zapošljavanje tj. za izdavanje radnih dozvola u Federaciji BiH trenutno se rješavaju zahtjevi podneseni još u aprilu ove godine, uprkos činjenici da je zakonski rok za rješavanje zahtjeva 30 dana. To u konkretnom slučaju znači da se, čak i za zahtjeve koji su podneseni prije nekoliko mjeseci, stvarni dolazak radnika može očekivati tek krajem ove ili početkom naredne godine u odnosu na trenutne procedure.



UNIJA POSLODAVACA
REPUBLIKE SRPSKE



UDRUŽENJE
POSLODAVACA

Potrebe poslodavaca za radnom snagom postoje sada, dok trajanje postupaka od više mjeseci, odnosno u pojedinim slučajevima duže od godinu dana, ne može odgovoriti na potrebe tržišta rada.

Shodno navedenom, ovim putem ponovo urgiramo po našoj molbi za organizaciju i održavanje hitnog sastanka, s ciljem zajedničkog razmatranja navedenih problema i pronalaženja konkretnih rješenja i ubrzavanja procedura za zapošljavanje stranih radnika u Bosni i Hercegovini.

Smatramo da postojeća situacija zahtijeva hitnost i koordinaciju svih nadležnih aktera odnosno institucija, te očekujemo da zajednički pokušamo pronaći rješenja koja će omogućiti da procedure budu efikasnije i da odgovaraju stvarnim potrebama tržišta rada i poslodavaca u Bosni i Hercegovini.

Predlažemo da se sastanak održi do kraja iduće sedmice.

S poštovanjem,

Predsjednik:
Zoran Škrebijć



Predsjednik:
Nihad Imširović

